

Na osnovu člana 50. stav 1. tačka b) Ustava Zeničko-dobojskog kantona i člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10), na prijedlog Ministarstva finansija, Vlada Zeničko-dobojskog kantona, na 130. sjednici, održanoj dana 18.11.2021. godine, d o n o s i

ODLUKU

o obračunu i isplati razlike iznosa zakonske zatezne kamate po realizovanim rješenjima o izvršenju i nastavku realizacije rješenja o izvršenju na teret Budžeta Zeničko-dobojskog kantona

Član 1.

(Davanje saglasnosti za obračun i isplatu razlike iznosa zakonske zatezne kamate)

(1) Daje se saglasnost Ministarstvu finansija Zeničko-dobojskog kantona da u ime Zeničko-dobojskog kantona obavijesti ASA Banku d.d. Sarajevo da ista u saradnji sa Kantonalnim pravobranilaštvom Zeničko-dobojskog kantona, kao pravnim zastupnikom Zeničko-dobojskog kantona, u skladu sa Odlukom Vrhovnog suda FBiH broj: 43 0 I 180440 21 Spp od 14.07.2021. godine, članom 39. stav (2) i članom 167. Zakona o izvršnom postupku ("Službene novine F BiH", broj: 32/03, 52/03, 33/06, 39/06-isp., 39/09, 74/11-ous., 35/12 i 46/16), te odredbama Zakona o visini stope zatezne kamate („Službene novine Federacije BiH“, broj: 27/98, 51/01, 101/16 i 89/18-U.S.) za period do 13.03.2020. godine i u skladu sa odredbama Zakona o visini stope zatezne kamate ("Službene novine FBiH", broj: 18/20) za period od 14.03.2020. godine do isplate, izvrši obračun iznosa razlike zakonske zatezne kamate po realizovanim rješenjima o izvršenju isplaćenim na teret Budžeta Zeničko-dobojskog kantona za 2020. godinu, u predmetima za koje su od strane tražitelja izvršenja i njihovih punomoćnika podneseni prigovori na izvršenu isplatu kamata, vodeći računa da u postupku obračuna zakonske zatezne kamate za pojedine obračunske periode Banka primjeni tada važeće odredbe Zakona o visini stope zatezne kamate, a koje su bile na pravnoj snazi u određenom vremenskom periodu.

(2) Daje se saglasnost Ministarstvu finansija Zeničko-dobojskog kantona da u ime Zeničko-dobojskog kantona obavijesti ASA Banku d.d. Sarajevo da ista nakon izvršenog obračuna razlike iznosa zatezne kamate iz stava (1) ovog člana, usaglašenog sa Kantonalnim pravobranilaštvom Zeničko-dobojskog kantona, u skladu sa pozitivnim zakonskim propisima izvrši isplatu iznosa razlike zateznih kamata na teret Budžeta Zeničko-dobojskog kantona za 2021. godinu ("Službene novine Zeničko-dobojskog kantona", broj: 7/21), sa budžetske pozicije Ministarstva finansija "Izvršenje sudskih presuda-Akcioni plan".

Član 2.

(Davanje saglasnosti za nastavak realizacije rješenja o izvršenju u skladu sa Akcionim planom)

Daje se saglasnost Ministarstvu finansija Zeničko-dobojskog kantona da u ime Zeničko-dobojskog kantona obavijesti ASA Banku d.d. Sarajevo da iz Budžeta Zeničko-dobojskog kantona za 2021. godinu ("Službene novine Zeničko-dobojskog kantona", broj: 7/21), sa budžetske pozicije Ministarstva finansija "Izvršenje sudskih presuda-Akcioni plan", na kojoj su planirana sredstva u iznosu do 12.300.000,00 KM, pristupi i nastavku realizacije rješenja o izvršenju na teret Zeničko-dobojskog kantona kao izvršenika, po redosljedu prijema rješenja o izvršenju, u skladu sa važećim zakonskim propisima i Akcionim planom aktivnosti potrebnih za izvršenje generalnih mjera naloženih Presudom Evropskog suda za ljudska prava u predmetu Kunić i drugi protiv Bosne i Hercegovine, ap. br. 68955/12 i 15 ostalih i vremenskim okvirom za njihovu realizaciju, broj: 02-06-16237/19 od 31.10.2019. godine.

Član 3.
(Realizacija Odluke)

Za realizaciju ove odluke zadužuju se Ministarstvo finansija Zeničko-dobojskog kantona, Kantonalno pravobranilaštvo Zeničko-dobojskog kantona i ASA Banka d.d. Sarajevo, svako u skladu sa svojim nadležnostima.

Član 4.
(Stupanje na snagu)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Mirnes Bašić

Broj: 02-11-15424/21

Datum, 18.11.2021. godine

Zenica

DOSTAVLJENO:

1x Ministarstvo finansija,

1x Ministarstvo za pravosuđe i upravu,

1x Kantonalno pravobranilaštvo Zenica,

1x Ministarstvo za ljudska prava i izbjeglice, Ured zastupnika/agenta

Savjeta ministara BiH

pred Evropskim sudom za ljudska prava Sarajevo, putem Ministarstva,

1x ASA banka dd Sarajevo,

Trg međunarodnog prijateljstva broj 25., 71000 Sarajevo, putem Ministarstva,

1x Stručna služba Vlade,

1x “Službene novine Zeničko-dobojskog kantona”,

1x a/a.